

Cuk Net Giekdae Laeb Maenh “Haj Aen Nyinhdoengz” Haicauh Buenz Moq Minzcuz Doxgiet Guhdoih

——Gyonj Gangj Gij Hongsaeh Gvangjsih Minzcuz Doxgiet Baenaj Hwnghat

夯实“五个认同”根基 开创民族团结融合新局

——广西民族团结进步事业发展综述

□ bonjbauq gicej Liengz Cingz/梁晴 dunghsinyenz Vangz Veijyungj/黄伟勇

Gvangjsih dwg ndaw guk raeuz aen swcigih minzcuz vunznoix cei q lai, dwg dieggaeuq gwzming, rangh-dieg henzguk, daj ciuhgeq doxdaeuj couh miz gij cienzdoengj maenhndei couhdwg gak minzcuz “caemh youq laj benq mbwn、caemh cae rangh doengh naz、caemh gwn ga dah ndeu、caemh guh aen suenranz”, ranghdieng neix dwg aen suenranz gak minzcuz doxndei caemh youq、doxhaeuj doxcoengh. Daj Cibbet Daih Aendangj doxdaeuj, miz Dangj Cunghyangh caeuq Siz Ginbingz cungjsuhgi daiqlingx cinjdeng. Sw-cigih Dangjveij caeuq Cwngfuj doxgiet daiqlingx daengx gih gak cuz ganbu ginzcung, gamj siengj gamj guh、dangrap caen guh、caemh sim gyonj rengz hwnqguh aen dieg guhyiengh minzcuz doxgiet baenaj, ndaej baenz-saeh hungnaek dijdanej raiz haeuj ndaw lizsij bae.

Gak Minzcuz Guhdoih Mwnhoengh Hwnghat, Gak Dieg Hwnghat Doxca Ngoenz Beij Ngoenz Iq

Bi 2019, Gvangjsih digih swngh-canj cungjeiz miz 21237 ik maenz, beij bi 2010 fan 1.03 boek; vunz hawsingz bingzyaenz moix boux miz gij souhaeuj gag gaem gag yungh 34745 maenz、vunz lajmbanj bingz-yaenz moix boux miz gij souhaeuj gag gaem gag yungh 13676 maenz, faenbied beij bi 2010 fan 1.03 caeuq 1.59 boek, lai caeux guhdaengz “song yiengh fan boek”.

Dangq aen swcigih youq daengx guk miz vunz gungzhoj lajmbanj cei q lai, Gvangjsih bi 2020 nienzdae guhdaengz hawj daengx gih 634 fanh vunz haeuj dangjan de duetgungz caez、5379 aen cunh gungzhoj ok lied caez、54 aen yienh gungzhoj duetmauh caez, ndawde miz 376.5 fanh minzcuz vunznoix duetgungz, Mauznanzcuz lai caeux guhdaengz daengx cuz duet-gungz, gij minzcuz vunznoix Yauz-cuz、Myauzcuz、Dungcuz、Mulaujcuz daengj cawzseuq gij gungzhoj mbouj gaeuq gwndaenaj, laebdaeb 5 bi youq gukgya cunghab bingzgyaq fuzbinz baenzsaeh ndawde ndaej daengjgaep “ndeij”, ciuq seiz guhbaenz gij saeh gaxgonq yiengq Dangj Cunghyangh baujcingq caeuq gij saeh gaxgonq han naekgwd “guh duetgungz bouxlawz cungj mbouj ndaej noix, aen minzcuz lawz cungj mbouj ndaej noix”.

Duenh “Cibsam Haj”, Gvangjsih guh gihcuq sezsih ndaej hamj baenaj, guhdaengz aenaen si doeng gauhdez、aenaen yienh doeng gauhsuz、

ranghrangh doeng minzhangz, aenaen hingzcwngcunh doeng roensuijniz caeuq cihek; gij soq hagseng haeujhag ciemq hagseng bizyez ndaw gyaunuz duenh gaxgonq haeujhag caeuq gouj bi yivu gyaunuz de sang daengz daengx guk bingzyaenz sui jbingz, gij soq hagseng youq hagdangz beij vunz caemh duenh hab haeujhag ndaw gauhdwngj gyaunuz de youz 30.8% hwnj daengz 47.9%; gak gaep veiswng h gihgou gihcuq sezsih hab iugouz caez, yawj bingh yw bingh ndaej bouj yihbauj doh daengz cunh gaep, sojmiz vunz ndawde 97% doxhwnj camgya gihbwnj yihbauj; 99% hingzcwngcunh miz gunghgung fuzvu cunghsinh; gij soq vunz mbouj miz hong ndaej gaemhanh youq 3% dauqndaw; gij vunz sou ndaej gvangibo densi miz 98.6%; 4G vangiloz miz doh daengx gih, 5G baenz buk yungh guh sanghyez, sojmiz hingzcwngcunh doeng gvangiden gvanghceh caez, gak cuz ginzcung ngoenz beij ngoenz lai raen ndaejleih、raen vuenyungz、raen ancienz, “haj aen nyinhdoengz” ngoenz beij ngoenz maenh, gij giekdae doenghyiengh hawj Cunghvaz Minzcuz caemh ranz ndeu cix lai maenh lo.

“Haj Aen Nyinhdoengz” Demgiengz Yienhda, Gak Cuz Lwgminz Cungj Riengz Dangj Bae

Gvangjsih gak cuz lwgminz youq mboengq guh gwzming、gensez、gaijgwz daengj gak duenh lizsij ndawde cungj dingq dangj gangj riengz dangj bae.

Youq duenh caeux Cunghgoz Gungcanjdangj laebbaenz, Veiz Baz-ginz bouxdaeuz Bouxcuengh daiqlingx nungzminz yindung neix couh caeuq Dwng Siujbingz daengj gwzminggyah bangeq youq gizneix fatdoengh caeuq daiqlingx Baksak Hwnjbing, haicauh Cojyougyangh Gwzming Gwnhgidi, cauhlaeb Cunghgoz Gunghnungz Hungzginh Diciz Ginh. Youq ndaw gwnhgidi, gak cuz lwgminz mboujdan simhoengz camgya caeuq doxyaeng cwngci, 16 aen yienh gaep Suhveizaih cwngfuj roxnaeuz gwzming vejyenzvei ndawde miz 13 aen yienh bouxcusiz daih’it dwg ganbu Bouxcuengh, gyoengqde vanzlij simhoengz dangbing hoenxcienq, daengz bi 1930 couh miz 25000 lai boux vunz gak minzcuz camgya Hungzeizginh caeuq cizvei-ginh, daj ndaw Hungzeizginh miz ok 20 boux gunghozgoz cienghginh, ndawde 14 boux dwg vunz Boux-cuengh.

Youq mwh hoenx Ciengz Ciengq Sienghyangh dingh Cunghyangh Hungzginh dailix, gak cuz ginzcung ranghdieng baihaek Gvangjsih mbouj lau daimingh coengh Hungzginh daiqlah、soengq siusik、ra haeuxgwn, baujhoh、ciuqgoq、gouq yw boux cansw Hungzginh sieng bingh roxnaeuz doekdoi. Daj hoenx ciengq gwzming youzgiz cancwng daengz hoenx ciengq dinghoenx Yizbwnj gouq gukgya, daj doifan Gozminzdangj fanjdung dungjci daengz cienzmienh bingzdingh caeg luenh, Gvangjsih gak cuz lwgminz dingq dangj hauqlingh bukrengz fanjhoenx、gonqlaeng dox-riengz, ok rengz hung coengh Cunghgoz gwzming ndaejhingz.

Daj Cungguk Moq laebbaenz doxdaeuj, Gvangjsih gak cuz lwgminz ndaej gejangh fanndang le caiq fatyengz gij gwzming cienzdoengj maenhndei, doxgiet ndaetmaenh hop-heux Dangj Cunghyangh, laemxsim dingq riengz Dangj Cunghyangh vixyinx. Daegbied daj Cibbet Daih Aendangj doxdaeuj, Gvangjsih dingjmaenh ciuq Aen Swhsiengj Sevei Cuiji Miz Gij Daegsaek Cungguk Seizdaih Moq Siz Ginbingz vixyinx, demgiengz “seiq aen nyinhrox”、dingjmaenh “seiq aen gagsaeng”、guhdaengz “song aen henhoh”, cienzmienh guhlaeg ciuhengz caezcup gij sawjmingh moq “sam daih dinghvi” caeuq iugouz moq “haj aen netsaed” youz Siz Ginbingz cungjsuhgi daengq hawj Gvangjsih dangrap caeuq guhdaengz, ndawde sawjmingh moq baudaengz hwnqguh daihloh gozci doeng coh Dunghmungz、dajcauh giz cengjdaeux canloz moq ranghdieng sihnanz cunghnanz hailangh hwnghat、guhbaenz douranz youqgaenj cieq “it rangh it loh”, iugouz moq baudaengz netsaed doinyoengx ginghci gengangh hwnghat、netsaed doinyoengx hwnqguh gij nungzyez miz daegsaek daihneix、netsaed bauj lwgminz gwndaenaj caeuq gunggeng duetgungz、netsaed doinyoengx henhoh swnghdai vanzging、netsaed cauhan ban lingjdauj giengzak rengzrwd, dingjmaenh rap hwnj rapnaek couhdwg hwnqguh aen dieg guhyiengh daengx guk minzcuz doxgiet baenaj, guh gij hongsaeh gyamaenh minzcuz doxgiet、coinyoengx gak cuz mwnhoengh hwnghat、henhoh ndawbiengz onjdinh、baujhoh henzguk anonj baenzsaeh hungdaeuz, miz baenzbang baenzbuek senhcin denjhingz caeuq gyoengqvunz buengji-yiengh, lumj “gaijgwz senhfung” Veiz Vannwngz、“bouxyienghndei seizdaih” Vangz Danenz、boux ndaej “aencieng caet it” Vangz Vwnzsiu、“bouxlezsw dingj binghra q bwtndat”

Liengz Siujyaz daengj, baijok Gvangjsih gak cuz lwgminz cungsim doiq Cunghgoz Gungcanjdangj hawj daengx guk caiqlj daengx sei qgyai q yawj, nyinhdoengz yiengh sevei cuji miz gij daegsaek Cungguk.

Hwnqguh Suenranz Cing-saenz Caemh Miz Lai Vaiq, Hawj Vwnzva Doxcaezcaemh Gyalai Yienhda

Youq ndaw lizsij Gvangjsih yienznaeuz dieg doekhenz doekgyae, danhseih daj Ciuzcinczauz gvihaeuj vuengzciuz cunghyangh bae le haujlai nanz cungj ndaej Yuzgyah vwnzva cimqnyumx, cauhaenz le Gvangjsih gak minzcuz gag rox caeuq nyinhdoengz vwnzva bonjfaenh gvihaeuj vwnzva Cunghvaz bae. Cunghgoz Gungcanjdangj laebbaenz doxdaeuj, ndaej vwnzva saekhoengz、sevei cuji senhcin vwnzva mboujduenh nyumx-dawz le couh caiq cukmaenh gij giekdae Gvangjsih gak minzcuz nyinhdoengz vwnzva doxcaemh.

Daj Cibbet Daih Aendangj doxdaeuj, Gvangjsih dingjmaenh ciuq sevei cuji vaedsim gyacizgvah vixyinx, dawz loqsiengj Cungguk guh cawjdae seizdaih, ok rengz hung swncienz fatyengz gij vwnzva cienzdoengj maenhndei Cunghvaz、vwnzva gwzming, mboujduenh gyarengz son-gyauq lwnhrox minzcuz doxgiet baenaj, bingzciengz cungj guh gij hozdung ndwen lwnhrox minzcuz doxgiet au “gyo’mbaiq aendangj riengz aendangj bae cukmaenh gij ei qsik caezcaemh Cunghvaz Minzcuz” guh cawjdae daengj, ok rengz haenq hawj gak minzcuz ginzcung gya rox “haj aen nyinhdoengz”, gyamaenh “seiq liengz bet saeu” aenranz cing-saenz caemh miz Cunghvaz Minzcuz.

Caemh gijneix, Gvangjsih dingjmaenh coinyoengx gak minzcuz vwnzva youq swncienz henhoh ndawde doxgyaux cauhamoq, dawz gij guhfap fatyengz vwnzva cienzdoengj maenhndei minzcuz vunznoix caeuq cau hguh Cunghvaz vwnzva gak minzcuz caemh yungh doxgap habngamj, roengzrengz hawj vwnzva doxdoengz caeuq dox-bauyungz gyalai. Gyarengz henhoh gak minzcuz vwnzva yizcanj caeuq cauhamoq cienjbienq, doinyoengx Gingjsiengq Vwnzva Veh Dat Byaraiz Dahcojgyangh ndaej haeuj ndaw mingzloeg sei qgyai q vwnzva yizcanj, Faenjsaenaz Liujcouh daengj 64 aen hanghmoeg ndaej senj haeuj gukgya gaep feihvuzciz vwnzva yizcanj mingzloeg, (cienq banj 3)